

Joot su wie du bess

Musik & Text Björn Heuser / Verlag: HEUSERMUSIK, GMO Publishing

Wievill Jedanke han ich ald jedaach?
Un wievill Plän han ich ald jehatt?
Dat et irjendwie wiggerjeiht, han ich längs kapiert,
ich han vill jeliehrt.
Un doch fählt mer manchmol dat Jeföhl,
dat mich einer dröck un zo mir kütt,
einer der sät, och wenn et nit su ussüht, verlier nie der Moot,
alles weed joot.

Du bes joot, du bes joot su wie du bes,
un du bes schön, du bes schön su wie du bes.
Et es ok, wenn du dat nit sühs,
doch wenn du ding Auge schleeß,
spürs du: Du bes joot, su wie du bes.

En mingem Kopp dat Karussell,
driecht sich manchmol vill ze schnell.
Do fällt et schwer vür'm Speejel ze stonn, un Hoffnung ze han,
doch et weed schon irjendwie wiggerjonn.

Du bes joot, du bes joot su wie du bes,
un du bes stark, du bes stark su wie du bes...

Bridge

En Kääz, die brennt nur einmol, bes die letzte Flamm erstick,
un nur noch Rauch un ne joode Duff in Richtung Himmel trick.
Wat bliev schon övvrig, wat kütt am Eng der Zick?
Odme et Levve en, alles hät ne Sinn, et kütt kein Sekund -
kein Sekund - kein Sekund - et kütt kein Sekund zoröck!

Du bes joot, du bes joot su wie du bes, ...